

Gar zu letzt begeren sie fried vnd rüge,<sup>522</sup> das ich warlich wol gleube. Jre kyrchen sol nymand vnrüzig machen, sol vergessen sein, welche vnrüge sie der Catholischen Kyrchen bishieher geschafft haben. Zihen ymmer an jre rechte lere, jren rechten Gottsdienst etc, wölln wedder horen noch sehen, das alle Christenheit Nein darzu sagt. Nu günne ich jnen warlich fried vnd 5 rüge, wolten alles erleitten jamers vnd elends vergessen, wenn sie sich gehorsamlich zur Einigkeit ergeben vnd liessen sich nicht klüger vnd gerechter düncken wedder<sup>523</sup> andere leute, die jre selen wol so gern verwaren wolten als jimmer kein Sect. Aber nach laut jres Büchlins wölln sie kurtzumb in iren thörlichen fürnemen verharren vnd nicht allein drey artikel, (als sie hie 10 vnwarhafftiglich vnd betrüglich anhenden) sondern fast alles durchauß was die Catholike Kyrch leret vnd thut für vnrecht vnd verdampt achten vnd verwerffen. Denn was ausgenommen wirt, ist sehr wenig vnd dasselbig wenig tasten sie mit jren conditionen, declaracionen vnd addicionen dermassen an, dz sie darmit jr vnwilligs gemüte doch anzeigen. Vnd ist der beschluß, nicht 15 wölln sol darnach heissen nicht künden. Sie mögen jnen diese antwort gefallen lassen. [P 1v:] Faren sie furt mit rebellieren vnd widerschreiben, so sol es an meinem dienst, den ich Gott vnd dem Keyser schuldig bin, durch die gnad Jesu Christi keins wegs mangeln, des sie sich gewißlich versehen sollten, ich lebe denn auff erden nicht. Do denn Luters jres Vatters vnd 20 Meisters eigen zeugnis vnd vrteil von der alten Religion klar an tag komen vnd verstanden werden sol. Nicht das wir etwas drauff geben, sondern das sein gelassener anhang wisse, wie auff schwachen beinen er stehe, do er jtzet meinet, es seyen eitel ehern pfeiler vnter jm. So aber das, welchs diß jr Bedencken der Saxische vnd Meissenische Landschafft furtregt,<sup>524</sup> jr grund ist 25 vnd sie hirumb sich zu gehorsam vnd einigkeit nicht begeben, sondern auff Schismatischer meinung vnd auffrührischem fursatz halßstarriglich verharren wölten, so weinet vnser Herr Jesus in seinen geliedern billich vber alles übel, das diese blinde Sect beide, in dieser vnd jener welt, übergehn wirt. Jsts möglich, so gebe Gott jnen Pusse zum leben. Ende. 30

<sup>522</sup> Ruhe.

<sup>523</sup> als.

<sup>524</sup> Zum Leipziger Landtag vom Dezember 1548: vgl. PKMS IV, Nr. 210–236, S. 252–277.